

DETERMINATZIONI

Ogetu: PRÒROGA SUSTENNU ECONÒMICU A FAVORI DE UNU TZITADINU PO SU PAGAMENTU DE SA CUOTA DE DEGÈNTZIA IN SA R.S.A. GERSIA DE CABUDERRA DE SU 15.06.2022/12.10.2022. IMPINNU DE GASTU.

Determinatzioni Nùmeru 1495 de su Registru Generali de su 15/11/2022.

Su Dirigenti detèrminat:

1. DE PROTZEDI a s' integratzioni de s' impinnu de gastu n. 1508/0 de sa summa de €. 7.210,26 po su pagamentu de su sustennu econòmicu sa cuota de degèntzia a favori de sa tzitadina chi tenit is rechisius previdius de su Regulamentu in vigèntzia po sa permanèntzia in sa R.S.A. "Gersia" de Cabuderra de su 15.06.2022 a su 12.10.2022, liendi is fundus de su capìtulu 92220 de su bilàntziu 2022.

2. DE IMPUTAI su gastu de €.7.210,26 in su cap. 92220 de su bilàntziu 2022, tzentru de costu n. 17.140.00009, aici comentis inditau de s' allegau "Atestau de cobertura finantziària" chi fait parti de custu atu etotu.

3. DE ATESTAI chi s' esigibìladi de s' obligatzioni tenit scadèntzia in s'annu 2022, sendi chi totu is obligatzionis passivas perfetzionadas a manera giurìdica, cunforma a s' art. 183 comma 5 bis de su D. Lgs. 267/2000, bolint registradas in is scrituras contàbilis cun imputatzioni in s' esercìtziu in su cale s' obligatzioni andat a scadèntzia, segundu is modalidadis previdias de su printzìpiu aplicau de sa contabilità finantziària cunforma a s' allegau n. 4/2 de su decretu legislativu 23 de làmpadas 2011, n. 118.

4. DE PROVEDI a su pagamentu de is contributus econòmicus, cun atu imbenienti.

5. DE ACUMPRIRI a is òbligis de publicatzioni de is datus de custu atu etotu in su situ internet de s' Enti – setzioni Amministratzioni Trasparenti – cunforma a is dispositzionis de is artìculus 26 e 27 de su D. Lgs. n. 33 de su 14 de martzu 2013.

6. DE DONAI ATU chi custu provedimentu: • s' at a trasmiti a su Responsàbili de su Servìtziu Finantziàriu, cunforma a s' art. 183 de su D. Lgs 267/2000 • s' at a publicai in s' albu pretòriu in-lìnia de custu Enti po 15 diis.

SA DIRIGENTI DE SU SETORI Sa Dotora Lorena Cordeddu
Quartu San' Aleni, su 15 de onniasantu 2022